


Dienelkander



Nuusbrief van die Gereformeerde Kerk Potchefstroom-Oos

13 Mei 2018



WAPENDRAERBEDIENING

Op Sondag 27 Mei 2018 -
'n Spesiale Erediens oor Gebed

Om meer te wete te kom, volg die
leidrade! Leidraad #2:

"Watter verband is daar tussen leraars, Wapendraers, kerkleiers, gebed en Bose Brandpyle? Lees Romeine 15:30; Efesiërs 6:19; Kolossense 4:3; 1 Tessalonisense 5:25; 2 Tessalonisense 3:1 en Hebreërs 13:18. Kom vind die antwoord in volgende week se Dienelkander"

OGGENDDIENS: Ds Piet

Tema: Leef jy soos iemand wat deur God uitgekies is?

Verlede Sondag het ds Pieter vir ons die leer van die uitverkiesing baie mooi uiteengesit uit Efesiërs 1. Hy het die klem geplaas op drie "geestelike seëninge" wat die Heilige Gees in

en deur die uitverkiesing aan ons gee. Vanoggend vra ons die vraag: Leef jy soos iemand wat uitverkore is? Reageer jy as God jou deur sy Woord roep en leef jy die nuwe lewe wat jy ontvang?

Jesus vertel hierdie gelykenis om te beklemtoon dat nie almal wat tot geloof geroep word, op die roepstem van God

antwoord nie. Maar Jesus waarsku ook ernstig dat die wat antwoord en deel wil wees, ook moet leef soos uitverkorenes. Jy moet die bruilofskleed dra (die nuwe lewe in Christus leef). Jy kan nie deel van die kerk wees en nie met jou lewe toon dat jy uit dankbaarheid die gawes van die Gees voluit uitleef nie! God ken jou hart en Hy sal oordeel oor jou lewe. Baie is geroep, maar min is uitverkies!

Lofsang met die oog op die erediens

Sb 14-1: 1, 3 en Lied 514: 1, 2

Ontmoetingsdiens

Intreelied: Ps 135-1: 1, 11; Votum; Seën;
Lofsang Ps 110-3: 1, 2, 3; Geloofsbelidens:
12 Artikels

Verootmoedigingsdiens

Wetlesing: Eksodus 20; Sing Sb 15-8: 1, 2
(Mel van Sb 15-7); Gebed

Woorddiens

Skriflesing: Matteus 22: 1 - 14;
Teksville: 11 - 14
Sing Sb 18-1: 2, 4; Woordverkondiging

Antwoorddiens

Sing Sb 18-3: 7, 8, 9 (Mel Ps 149 se eerste
mel); Liefdegawes; Gebed; Sing
Sb 18-7: 1, 3, 10 en 12; Seën; Amenlied
Sb 13-2.

AANDDIENS: Ds Piet

Tema: Christus is ons Koning voor wie ons
met blydschap buig en op Wie ons hoopvol
wag!

In aansluiting by Donderdagaand se Hemelvaartboodskap fokus ons vanaand op die betekenis van ons Here Jesus se hemelvaart wat sy koningskap oor die ganse wêreld bevestig. Sy hemelvaart roep ons ook op om met blydschap voor Hom te kniel. Erken jy met blydschap dat Hy ook jou Here is en dat jy met jou lewe Hom dien? Die hemelvaart gee ook 'n wonderlike, troosvolle toekomsperspektief. Ons mag nie in sak en as,

moedeloos lewe nie! Nee, ons moet hoopvol wag op sy Wederkoms!

Lofsang met die oog op die erediens

Lied 428: 1, 2, 3 en Sb 6-1: 1, 3, 4, 5

Ontmoetingsdiens

Intreelied: Ps 47-2: 1, 2; Votum; Seën;
Lofsang Ps 48-2: 1, 3; Gebed

Woorddiens

Skriflesing: Psalm 47 en Handelinge 1: 9 - 11
Belydenis: Sondag 19 van die Heidelbergse
Kategismus, vr en antw 50 en 51
Sing Ps 47-1: 3 en 4; Woordverkondiging

Antwoorddiens

Gebed; Liefdegawes; Gebed vir BnB; Sing
Sb 20-2: 1, 3, 4, 5; Seën; Amenlied Sb 13-3.

MEELEWING

- Michiel de Kock (Groep 20 - 082 857 8619) se operasie het getoon dat die prostaatkanker nie versprei het nie en hy sterk mooi aan.
- Jacoba van Rooy (Groep 39 - 083 507 8567) se lewer het soveel skade opgedoen vanweë 'n outo-imuunsiekte, dat sy op die lys geplaas is om op die langtermyn 'n leweroorplanting te ondergaan. Intussen ontvang sy behandeling en streng diëet. Sy moet haar baie rustig hou, want sy is swak. Sy gaan op 4 Junie vir verdere toetse wat sal aandui wat die volgende stap is. Dokters vermoed dat sy die siekte al lank onderlede het, maar dat dit nou eers in so mate in die lewer gemanifesteer het, dat hulle dit kon vasstel.
- Anton Scheppel (Groep 40 - 083 308 9995) het Woensdag 'n dringende breukoperasie in Medikliniek moes ondergaan en sterk huis aan.

- Susan Opperman (Groep 16 - 084 818 9408) se moeder is Woensdagoggend skielik aan huis oorlede. Ons dink aan haar, Conrad, Edwin en Aldru.

**Ons bid dat die Here
beterskap/bemoediging en troos sal gee.**

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Elma Leijenaar (082 398 2874)

BAIE WELKOM AAN

- Koos en Riana de Klerk wat met attestaat van Middelburg-Noord by ons aansluit. Hulle woon in Francoisstr 25, groep 18.
- Sonja de Bruyn wat met attestaat vanaf Mafikeng by ons aansluit, sy is in groep 35.

ONS GROET

Sr Ria Esterhuizen wat met attestaat na GK Potchefstroom vertrek.

PROGRAM VAN DIE WEEK

Vandag

09:00 Gebedsgroep
09:30 Oggenddiens
 Kleuterbediening
 Katkasisie Les 10
 Tee en Koffie in die Skuur
16:30 Openbaring Bybelstudie
06:00 Aanddiens

Maandag

17:00 Gholfdag-vergadering
17:30 Kassiere-diensgroep
18:00 Oosdopperfees: vergadering

Dinsdag

06:00 Manne-ondersteuningsgroep
18:00 Katkasisie gr 11

Woensdag

10:00 Amandelbloeiels
17:30 Katkasisie Gr 8 - Jaco Lemmer
17:30 Katkasisie Gr 10 - Herman Stavast

Die antwoord op verlede week se leidraad:

Wat is 'n wapendraer?

In Ou-Testamentiese tye was die konings die leëraanvoerders wat die volk in oorlog gelei het. Uiteraard was hulle strategiese teikens vir hulle vyande. As 'n koning buite aksie gestel kon word, sou sy leér moed verloor en uitmekaar spat. Konings het dus dikwels uit hulle dapperste, mees toegewyde soldate, wapendraers aangestel om groot skilde te dra om hulle teen die vyand se aanvalle te beskerm.

Die opsigtelike leiers van die gemeente – veral die dominee – is teikens vir satan se aanval (Lukas 22:31-34). Die leraar gee die pas aan en wys die rigting aan vir die gemeente (1 Tim. 4:12) terwyl sy lewe 'n voorbeeld is (Hosea 4:6-9 en Lukas 6:40). Gemeentes groei nie maklik verder as die gebedsvoorbeeld wat deur hulle leraar/leiers gestel word nie.

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Emeritusfonds.
- Gawes volgende Sondag vir Topia.
- Vrywillige bydrae vir voertuigsekuriteit in die bussies by die deure.
- Diensbeurte: Groep 24 en 25.

VERJAARSDAE

Baie geluk aan almal wat DV hierdie week verjaar!

Sondag, 13 Mei

Sr Elani du Preez

074 143 0098

Br Koos Jooste (72) 072 266 6515

Dinsdag, 15 Mei
Br Johan vd Walt 082 571 6414

Woensdag, 16 Mei
Jsr Carmien Coetzee
Br Pieter vd Zwan 083 417 5904

Donderdag, 17 Mei
Br Craig Leach 072 687 1256
Br Christo Snyman (76) 072 879 7684

Vrydag, 18 Mei
Br CP Kloppers 076 423 7283
Br Casper Labuschagne 082 444 1945
Br Johan Rens 083 235 3421

Saterdag, 19 Mei
Sr Annatjie Boltman (71) 082 451 8374
Br Burger Botha 082 821 8887
Br Pieter Kruger 079 508 8837
Sr Alet Prinsloo

NUWE INTREKKERS

Alle nuwe intrekkers die afgelope jaar, moet asb vir ons 'n gesinsfoto e-pos na die kerkkantoor of 'n foto laat neem (foto's sal by die pienk tafel geneem word, na die erediens). Ons wil graag dat meer mense mekaar op die naam begin ken!

OOSDOPPERFEES - 26 MEI

Lieve Oosdoppers

Oor 2 weke hou ons weer **Oosdopperfees!**

Om 'n sukses van hierdie groot fees te maak het ons, ons gemeente se hulp nodig.

- **Die lyste met items** wat benodig word vir die aanbied van die Oosdopperfees is vanoggend in die ***Skuur***. Skryf asb jou naam langs dit items wat jy kan skenk.
- **Daar is ook hulplyste** vir die verskillende afdelings van die fees - dui asb ook daar aan waar jy vir ons sal kan help!

HANDELSHUIS: VLYTIGE VINGERS
• Die ***Vlytige Vingers*** in die

Handelshuis benodig asseblief alle kreatiewe skeppings, bv: Hekelwerk: Hangeroortreksels, musse, slaapsokkies, serpe; **Ingelegte lekkernye**; Papier/plankie-ontwerpe.

- Ook **wit-olifante**, **kinderspeelgoed** en **ou klere**.

Bring **bogenoemde items** reeds kerk toe tot **14 Mei**, en alle **varsgebak** op 25 of **26 Mei**.

VLAMVAT-PROJEK

Onthou, hierdie projek se doel is om elkeen van ons nader aan God en aan mekaar te laat groei en ons gemeente meer lewenskragtig te maak.

Die taakspan het strategiese doelstellings (wat ons graag wil bereik) opgestel vir elk van die geïdentifiseerde areas van uitnemendheid. Ons het op 16 April met Richard Verreyne (die fasiliteerder) vergader om verdere beplanning te doen. Ons wil graag deur die Dienelkander meer inligting oor elke area van uitnemendheid gee (hierdie "areas" is uitgewys as gebiede waaraan gewerk moet word om dit meer effektief uit te leef in ons gemeente). In 'n vorige Dienelkander het ons reeds gekyk na Jeugbediening en Evangeliesasie.

Vandag gaan ons kyk na Uitreiking na die gemeenskap en Gebedsbediening:

Strategie #3 – Uitreik na gemeenskap / Kruiskultureel

Die Bediening na Buite - Diensgroep (verwys punt 1 by Evangelisasie) moet ook die:

1. Behoefte-ontleding en -prioretisering van lkageng-gemeente/s doen.
2. UITREIK van ander kerke na Potchgemeenskap oor alle grense bepaal en uitbou met oog op moontlike samewerking en groter sinergie.
3. Bereid wees om te leer en die sterkpunte van ander gemeentes tov effektiewe jeugprogramme te

identifiseer (bv Duet t.o.v die prosesse wat hulle in plek het, asook ander sterk groeiende gemeentes).

Strategie #4 - Gebedsbediening

Omdat ons moet uitmunt in GEBEDSBEDIENING sal ons...

1. Die Bedieningsdiensgroep opdrag gee om die gemeente op alle moontlike bedieningswyses bewus te maak van gebed as krag van God en hoe om dit in hulle persoonlike gebedslewe toe te pas.
2. Die Bedieningsdiensgroep taak om 'n program daar te stel om die gemeente bewus te maak en toe te rus met betrekking tot gebed as bediening aan mekaar.
3. Dat die Bedieningsdiensgroep toerusting aan kleingroepe gee t.o.v. die gebruik van gebedsgawes in kleingroepbediening.
4. Op deurlopende wyse toesien dat lidmate toerusting ontvang t.o.v. openbare gebed en om in die erediens te bid.
5. Die Gebeddiensgroep taak om 'n sms-gebedsgroep te vestig en te bedryf sodat gemeentelede vir mekaar, die gemeente en die gemeenskap kan bid.
6. Dat die ouderlinge toerusting ontvang om lidmate toe te rus ten opsigte van gebed binne die huisgesin.

Ons vra u **voortdurende voorbidding** vir wysheid en insig vir die span wat die beplanning doen en dat die Heilige Gees in ons elkeen 'n begeerte na 'n waarlik Bybelgesonde gemeente sal wek.

Sou u enige vrae en/of voorstelle het – onthou dat die bostaande 'n werksdokument is - skakel gerus met Ds Piet of Tom Larney wat die administrateur van die projek is.

SEKURITEIT OP ONS PERSEL

Om toe te sien dat ons perseël Sondae veilig is, benodig ons vrywillige manslidmate om beurte te maak om Sondae op die terrein diens te doen tydens die erediens. Praat asb met ds Piet indien jy hiervoor kans sien.

AMANDELBLOEISELS

Ons nooi al die Amandelbloeisels hartlik uit om Woensdag, 16 Mei, dieoggend vanaf 10:00 saam met ons te kom geniet by Kumkani Lodge. Ons kom by die kerk bymekaar, elkeen bring asb R25 saam. Bevestig asb. by Lallie v Zyl (072 141 8316) of Ina Jordaan (082 375 7666) indien u kan bywoon.

UITNODIGING NA PINKSTERDIENS

Op Sondag 20 Mei vier ons die uitstorting van die Heilige Gees. GK-Bult is bevoorreg om elke Sondag 'n Internasionale Diens aan te bied en wil graag op hierdie Pinksterdag saam met ons Interasionale lede diens hou. Hierdie diens vind om 11:30 plaas en ons nooi julle graag om dit saam met ons te kom bywoon.

DIE BYBEL IN AFRIKAANS: 1933/53-vertaling

In verlede week se stukkie oor die Bybel in Afrikaans was daar 'n verwysing na die proefvertaling van 1922, wat nie goed aanvaar is nie. Dit is feitlik woord vir woord uit die Nederlands vertaal. Vergelyk maar Psalm 128:3-4 in die twee vertalings:

Statevertaling

3. Uwe huisvrou zal wezen als een vruchtbare wijnstok aan de zijden van uwe huis, uwe kinderen als olijfplanten rondom uwe tafel.
4. Ziet, alzoo zal zekerlijk de man gezegend word, die den HERE vreest.

1922-vertaling

3. U huisvrou sal wees soos 'n vrugbare wynstok aan die kant van u huis, u kinders soos olyfplante rondom u tafel.
4. Siet, so sal sekerlik die man geseen word wat die HERE vrees.

In die lig hiervan is toe besluit om die Bybel opnuut uit die oorspronklike Hebreeus en Grieks te vertaal. Die vertaling is deur die Bybelgenootskap van Suid-Afrika onderneem, met vertalers uit die NG, Hervormde en Gereformeerde Kerke. Op daardie stadium het hierdie drie kerke in totaal agt teologiese professore gehad in Pretoria, Stellenbosch en Potchefstroom. Drie van hierdie agt (proff JD du Toit, BB Keet en EE van Rooyen) is voltyds afgesonder vir hierdie taak, saam met nog twee predikante, di JD Kestell en dr HCM Fourie. Hierdie vertaling was die eerste groot projek waarin hierdie drie kerke saamgewerk het. Later sou die Psalmberyming en ander vertalings volg.

Omdat hulle bang was dat die nuwe vertaling vreemd sal wees vir mense wat met die Statevertaling groot geword het, het hulle besluit om dieselfde Hebreeuse en Griekse grondtekste as die Statevertaling (van meer as 200 tevore) te gebruik, en om in die vertaaltegniek ook by die Statevertaling aan te sluit, met 'n baie letterlike vertaling. Hulle het wel probeer om natuurlike Afrikaans te gebruik, maar veral by die Nuwe Testament het die manier van vertaal soms (veral by die brieve van Paulus) lang en ingewikkeld sinne tot gevolg gehad.

As 'n mens daaraan dink dat Afrikaans eers in 1925 as amptelike taal erken is, besef jy dat Afrikaans nog in sy kinderskoene was toe die vertaling van 1933 gedoen is. Hierdie vertaling het 'n groot invloed op die ontwikkeling van Afrikaans gehad, soos die Statevertaling op Nederlands en Luther se vertaling op Duits. Die ontwikkeling van Afrikaans was een van die redes waarom daar al in 1933 begin is met die hersiening van die vertaling, met die verskyning van die hersiene uitgawe in 1953.

Dieselfde twee verse van Psalm 128 maak duidelik hoedat hierdie vertaling meer soos Afrikaans geklink het as die vertaling van 1922:

3. Jou vrou is soos 'n vrugbare wingerdstok binne-in jou huis, jou kinders soos olyfboompies rondom jou tafel.

4. Kyk, so sal sekerlik geseen word die man wat die HERE vrees.

Die huisvrou is nou bloot 'n vrou, en nie langs die huis nie, maar in die huis. Die wynstok is nou 'n wingerdstok. Die verouderde Nederlandse 'Ziet' is vervang met 'Kyk'.

Dit is hierdie vertaling wat nou 85 jaar oud is, en wat steeds met ons in goeie Afrikaans praat. Volgende week kyk ons na die vertaling van 1983.

Op Sondag, 3 Junie, gaan die hele ere-diens aan die saak gewy word.

BADPLAAS WEGBREEK VIR AFGETREDE MENSE

Ons wil graag 'n wegbreek reël vir ons bejaardes om van 5-12 Augustus saam Badplaas toe te gaan. Die kostes beloop R2500 p/persoon, dit sluit verblyf, 3 etes per dag en die busvervoer in.

Skryf asb jou naam op die lys in die portaal van die Skuur.

Vir enige navrae: Hestie J v Rensburg (072 383 9510)



DIGITALE IMPAK OP KINDERS/JONGMENSE : PASTORALE BERADINGSKURSUS - SATERDAG 19 MEI 2018

Die ontwikkeling van die Internet en die positiewe bydrae wat dit kan lewer op verskillende terreine is fenomenaal – tog is die moontlike negatiewe invloed ook oorweldigend. Dit kan olie op die vuur wees van reeds bestaande verslawlings of verkeerde lewenstyl keuses en sodoende ontwikkel tot 'n vernietigende invloed met dieselfde krag as 'n Tsunami. Die fokus van hierdie kursus is op ontwikkelings rondom die sogenaamde 'digital invasion' die afgelope aantal jare asook die geweldige impak op die denke en algemene benadering van talle kinders en jongmense. Daar word onder andere ook gelet op die

twee duidelik onderskeibare groepe, naamlik digitale inboorlinge vs digitale immigrante (digital natives vs immigrants) 'n Aantal probleem areas en slaggate word uitgewys, tesame met verskeie praktiese en pastorale riglyne.

Plek: Studente Hervormde Kerk –

Silwer str 19,

Datum: Saterdag 19 Mei 2018

Tyd: 08:00 – 13:00

Koste: R250 pp (egpare: R350; studente: R150)

Handleiding te koop (opsioneel): R160
(posgeld: R60 ekstra)

Om te bespreek: U moet vooraf die nodige fooie inbetaal by:

Capitec spaar rek: 1487438425 –

Takkode: 470010

Rek naam: Prof WC Coetzer (bevestig dan asb daarna per e-pos)

Navrae: 0836600409 of 0825778810 of e-pos:
wentzelc@gmail.com

KERKLIKE TYDSKRIFTE

Die kerklike tydskrifte vir April en Mei is in die kerkkantoor beskikbaar vir lidmate wat daarop ingeteken is.

KENNISGEWINGBORD

- Topia saambid- en kuiergeleentheid, Vrydag 18 Mei.
- Koorfees: 18 Mei by NG Miederpark
- Skoolverlaterskamp 8-13 Julie 2018
- Skenking/Donasie: 'n Baie hardwerkende en belowende BSc-student is Maandag, 30 April, in Malherbestraat beroof van sy skootrekenaar.

Hulp in enige vorm word dringend benodig en sal opreg waardeer word.
Skakel: 082 416 3998/082 366 0446

BAIE DANKIE

Baie dankie vir almal se besoeke, boodskappe en gebede tydens my operasie. Dit het vir my baie beteken in hierdie tyd.

Corrie (Eva) du Plessis

TOPIA:

By TOPIA is ons passievol oor die opleiding van kerkleiers en wil ons ook ander inspireer om kerkleiers op te lei.

TOPIA het die voorreg gehad om Cachet se uitreikspan wat in die wintervakansie opleiding in Namibië wil doen, toe te rus. Daar was ook 'n wonderlike geleentheid by die Pretoria Annlin gemeente waar lidmate en die uitreikspan van Annlin en Montanapoort begelei is om bybelse dissipelskap te herontdek en ander ook toe te rus om dissipels te maak.

Ons het ook Covenant College in Zambië gedurende Maart besoek. Daar is die eerstejaar studente begelei om bybelse dissipelskap te verstaan en aan ander te leer. In Augustus en September gaan bybelse wêreldbeskouing en diensknegleierskap aan die studente geleer word. Tydens Maart het Johannes ook as trustee die jaarvergadering van Covenant College bygewoon. As trustees is ons die Here innig dankbaar vir die leierskap by Covenant en die wonderlik groei en visie wat die afgelope jaar op bestuur- en opleidingsvlak by Covenant waargeneem kan word.

Die werkboekie wat ons oor bybelse dissipelskap saamgestel het, is ook baie populêr. Die boekie is die afgelope tyd verfyn en ons hoop dat dit binnekort vertaal sal word.

Daar het ook elke derde Vrydagaand 'n TOPIA gebeds- en kuiergeleentheid plaasgevind. Dit gee ons die geleentheid om die Here te dank en voorbidding te doen oor wat in TOPIA gebeur. As gesin is dit ook lekker om saam met ander te kuier en waardeer ons die liefde van medegelowiges wat ook saam met ons wil bid.

Gedurende Mei en Junie gaan daar DV:

§ Bybelse dissipelskap by Waterkloofrand en Rooihuiskraal gemeentes aangebied word.

§ Wêreldbeskouing opleiding by MET (Missions Exposure and Training)

gedoen word.

§ Thinus Herman gaan by Back to the Bible Missions naby Barberton opleiding doen.

§ Dreyer Potgieter, Oupa Nkouana en Louhan van der Linde gaan ook kerkleiers van die *Evangelical Church* in Malawi toe rus. Ons is dankbaar dat ons reeds die geld vir twee van die drie vliegtuigkaartjies het. Ons soek biddend nog na R6000 vir die laaste vliegtuigkaartjie.

Koninkryksbelegging

Indien jy geroepe voel om by TOPIA 'n koninkryksbelegging te maak, oorweeg asseblief om 'n konstante maandelikse belegging te maak. Dit sal TOPIA help om vaste maandlikse betalings makliker te kan doen.

ABSA tjakrekening, TOPIA Tessa Trust,
Takkode: 632005
Rekeningnommer: 4074089319

Gebede

- Dank en prys die Here vir die opleiding wat gedoen is die afgelope kwartaal.
- Dank die Here vir die gawes en middele wat aan TOPIA gegee is.
- Doen asseblief voorbidding vir die opleiding wat beplan word.
- Bid ook asseblief vir maandelikse geldelike steun vir TOPIA.

CHRISTUS HET OPGESTAAN – IN HOM, DEUR HOM EN VIR HOM!

Johannes, Lizanne, Lourens, Arina en
Lizanné Aucamp

ALGEMENE INLIGTING

• **WOW-HERWINNINGSWERELD**

Papier, plastiek, karton, glas, blikkies en polystyrene - *hoef nie gesorteer te wees nie, herwinningseitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees.

• **LIEFDEGAWES VIR BARMHARTIGHEID**

(DIAKONIE) ZAPPER

(Selfoon toepassing)

Hierdie QR simboolkode is gekoppel aan die Diakonie se rekening en

slegs bydraes vir Barmhartigheid kan daarmee

gemaak word - geen ander betalings aan die Diakonie of kerkraad nie



• **SOSIALE MEDIA VIR**

ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –
082 851 3637
Prof. Herrie v Rooy –
083 700 3933

Kerkkantoor: Adele 018 290 7690

Kosterspaar: Johan 061 336 7255
Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Karin Kruger en groep 6, Susan Lourens en groep 15, Mari Steyn en groep 27, asook Shantell Andersen en groep 35.

Volgende week skink Riana Heystek en groep 7, Chanelle v As en groep 16, Susan Lourens en groep 29, asook Annari Oelofse en groep 36 se susters tee. *Baie dankie julle!*

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Baie dankie vir julle getroue bydra!***

KWARTAALPROGRAM

DATUM	DAG	TYD	WIE	WAT
21-25 Mei	Week	13:00 en 18:00	Naamlys	Oosdopperfees - vleiswerk - etes
26 Mei	Saterdag	09:00	Almal	Oosdopperfees
03-Jun	Sondag	19:00	Blok D	Ouderlingverversings
10-Jun	Sondag	12:00	Blok B	Nagmaalete
16-Jun	Saterdag	09:00	Blok A	Sustersamekoms

BAIE DANKIE AAN ONS BORG DIE WEEK!



ONS SPESIALISEER IN DIE VOLGENDE:

- Fyngebak
- Pasteie
- Koekies
- Beskuit
- Terte
- Kruie
- Speserye
- Bakbestanddele
- S.A. Droëvrugte
- Verpakkingsmateriaal

"Ons bak met passie"

Gouwsstraat 7 Potchefstroom


Tel : (018) 294 4271

OOSDOPPERTJIES

Jes. 43:1b "Ek het jou op jou naam geroep, jy is myne."

Liewe Oosdoppertjies!

Ons gaan op 3 Junie tydens die katkisasie-afsluiting van hierdie kwartaal weer 'n muntelegging hou! Maak solank jou munte bymekaar sodat jy genoeg munte het om deel te neem aan die muntelegging!



I-JUMP

Ons nooi graag al ons jongmense vir 'n uitstappie na iJump op Sondag, 20 Mei na die oggenddiens. Ons vertrek almal saam met 'n bus. Elkeen betaal slegs sy toegang van R120. Bring 'n kospakkie saam om te eet voordat ons ry. Ons behoort teen 16:00 terug te wees by die kerk.

Skryf asb jou naam op die besprekingslys in die Skuur.

Enige navrae: Adele Human (082 460 3062) of Marie Oosthuizen (082 929 3834)



PETRUS SE HUMEUR

Spreuke 14:17 sê "Wie kort van draad is, begaan dwaashede; 'n agterbakse mens maak hom gehaat." Toe Jesus gearresteer is, het Petrus 'n hou met sy swaard na een van die wagte se oor gemik. Petrus moes geweet het dat Jesus nie brute krag en aggressiewe reaksie wou gehad het nie. Daarom het Jesus die wag se oor weer gesond gemaak al was hulle besig om Hom te arresteer. Petrus wys in die Bybel dat hy nogal 'n vinnige humeur gehad het en dikwels onverstandig opgetree het. Iemand wat opvlieënd is, tree oorhaastig op en dink nie mooi na oor hoe om verstandig op te tree in 'n situasie nie.

Wanneer jy kwaad word, moenie onmiddellik reageer nie. Jy gaan heel waarskynlik later sleg voel daaroor en wens jy het liever stil gebleef.

